







3
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
4

1/2 6110
597.2
: 15









文瀾閣原本

寶刻叢編卷二十

宋 陳思 撰

諸書所錄刻石地里未詳

西漢石刻

鄭三益闕銘

武帝建元二年自劉聰後屢以建元紀年此銘字畫

非晉已後人書

金石錄

尉府靈壁甄文

金石錄作陽朔博字

陽朔博字云尉府壺壁陽朔四年正朔始造設已所

行字畫奇古西漢文字世不多有此字完好可喜然

所謂尉府壺壁又云已所行者莫曉其為何等語

金石

錄

尉府靈壁甄文四行十二字成帝陽朔四年造西漢

字見于彝器者皆是篆文此甄分行作碁局大眼數

字略有隸體與會稽路都尉闕頗相似趙德夫云士

大夫考正前代遺事其失常在好奇孔子曰君子於

其所不知蓋闕如也予謂建元名年不止西都有之

鄭三益闕全是晉人筆札趙乃定為武帝時碑深誤

後學闕如之戒若何資州重刻燕然銘自竇憲之後

誰曾再登此山若當時推拓者無緣留到今日兼東

都之初石刻未如此齊整無有殘缺一見其文便可

知其偽也

隸續

東漢石刻

其一云會稽東部都尉路君闕永平八年四月十四日庚申造其一云君故豫州刺史溫令元城令公車司馬令開陽令謁者議郎徵試博士路君不知為何人按漢書志建武六年省諸郡都尉惟邊郡往往有之豈會稽邊海故置此官歟又任延嘗為會稽西部都尉而此云東部疑當時會稽分東西各置都尉

史不載爾金石錄

會稽東部都尉路君闕明帝永平八年造東都冢墓間石刻傳于後世者自此始趙氏云建武中省諸郡都尉唯邊郡有之豈會稽邊海故置此官歟任延嘗為會稽西部都尉而此云東疑會稽分東西各置都尉史不載爾予按衡方碑亦嘗為會稽東部都尉乃威宗之時則東都蓋有此官未嘗併省范史雖不具載而它書亦可稽據

豫州刺史路君二闕前闕七行二十七字書其所歷豫

州刺史至徵試博士凡八官後闕亦七行二十一字
 云會稽東部都尉路君闕其次書造闕年月日永平
 之八年也字畫兼用篆體前闕人物之後小字一行
 却是隸文豫州前後各一人執杖負劍嚮字立東部
 之前亦一人執杖負劍又有一人正面立腰下垂佩
 兩手各有所執末亦一人執杖負劍而其前又有一
 人側面嚮字立手中亦有所執蓋是墓前雙闕如王
 稚子高貫方之類但二闕無姓名此其異爾

並隸
續

延年益壽椁題字

延年益壽椁文三行十八字今在蜀中安帝永初七
 年造謂之萬歲延年益壽椁當是壽家中所刻如梁
 相孔耽碑之類建初中曹叔文汝伯寧輓皆有萬歲
 舍之文恐彼亦是壽藏之物

隸
續

孝子董蒲闕

孝子董蒲闕其中刻一禽頗大兩旁各一獸啣環佩
 之屬甚類處士金恭闕禽之下橫書七行云孝子澄

鄉宜利里董蒲亦與金恭闕相類禽之右有一行云
 永寧二年三月辛巳朔十一日辛卯掾李純有秩張
 成其間數字難辨此闕先書年月朔日又有掾史姓
 名與墓門之闕不同必董君孝行著聞官為甄
 表而立此闕二獸不見下體恐所刊文辭或在其下

隸續

馮君開道碑

馮君開道碑威宗和平元年刻凡六十九字紀其披

山開道人民歡悅之利未有曹史孔固三人題名隸續

益州太守無名碑并陰

益州太守碑以朱爵為額龜蛇為趺龍虎銜壁在其
 兩旁一崇碑也首云永壽元年三月十九日益州太
 守某君卒其姓獨磨滅或有謂之馮君者豈予所藏
 偶不明邪碑之左有功曹掾故吏題名四十八人皆
 屬邑建伶牧靡楨棟滇池穀昌俞元之人也僅有王
 李數姓可辨名字皆不具矣隸釋

益州太守碑陰有牧靡故吏三人題名在跌之右此碑刻五玉三獸下有牛首蜀中漢碑如是者有柳敏碑陰馮緄墓道雙排六玉碑與此凡四

隸釋

張休崖溪銘

唐磨崖陰路銘四言十四句威宗延熹二年三月刻末有張休姓名姑以名其碑其文謂此山高擬太山險比劍道上眈彼蒼相去能幾行人過茲鮮不垂涕十數年前藏碑者得之蜀人今尤延之李仲南家有

之隸續

封邱令王元賞碑

隸書不著書撰人名氏碑以延熹四年立王君嘗為封邱令辟司空府元賞其字也碑已漫滅元賞之名及其鄉里皆不可見故以其字稱之

集古錄目

碑云君諱某字元賞御史君之孫茂材君之子也歷秦及漢有國有家宰相牧守踵武相襲又云郡察孝廉郎中謁者苑陵丞封邱令母憂去官服祥辟司空

府延熹四年五月辛酉遭命而終其文字磨滅隱隱可見者如此其名既亡又不序其姓惟其銘云於惟

王君以此知其姓王爾

集古錄

其姓名已殘缺所可見者字元賞而已碑云察舉孝廉郎謁者考工苑陵葉封邱令而銘文亦有撫臨三國之語歐公集古錄云為苑陵丞者蓋誤以葉字為丞爾碑陰載門生姓名有云右奔喪右斬杖三年者

金石錄

封邱令王元賓碑隸額兩行所存其下令碑二字歐趙皆以為王元賞予所得者却是元賞字畫分明非是測度其名彷彿是紹一碑之中不可識者纔數字王君以察孝廉為郎謁者故銘詩云宿衛帝側嘗宰苑陵葉封邱三城故云王用錫命撫臨三國以延熹四年卒

隸續

封邱令王元賓碑陰

王元賓碑陰四橫稱故吏者四人有名字郡邑者十

數人餘皆凋落不備其中有立碑錢各五百之文又有
右奔喪右斬杖三年之文歐趙有其碑而亡其名碑
云門徒雨集盛于洙泗故衰杖過禮等于事父惜乎
碑石淪碎姓名不能盡見歐云碑有錢各五百字似
是修廟人所記其可見者濟陰定陶蔡顥子盛山陰
金鄉張諺季德又時有故吏字不知為何人祠廟按
此碑既有故吏又有奔喪斬杖之文謂之脩廟人題
名非也威宗延熹四年立

並隸
續

蒼頡廟人名

延熹五年正月立歐陽公集古錄云此碑有蓮勺左
鄉有秩池陽左鄉有秩池陽集水有秩皆不知是何
名號又有夏陽侯長殺祠侯長則是縣吏之名其字
畫不甚精又無事實可考姑疑其名號以俟知者爾
按前漢書張敞以鄉有秩補太守卒史後漢書百官
志鄉置有秩三老游徼本注曰有秩郡所署秩百石
掌一鄉人注引漢官曰鄉戶五千則置有秩風俗通

曰秩則田間大夫言其官裁有秩爾然則有秩蓋亦

鄉吏名也

金石錄

平輿令薛君碑

碑云惟延熹六年春二月平輿令薛君卒嗚呼哀哉
吏民其咨咨君之德迺建碑石于墓之側其後有銘
三百餘言叙述甚詳惟不載其名字世系故莫得而

考焉

金石錄

漢故平輿令薛君碑隸額前有叙凡三十六字大略

云平輿以延熹六年二月卒吏民咨其德建碑于墓
之側次有銘詩三百四言文雖無缺而不書其名字

其云我君肇祖迺侯于薛者謂夏之車正奚仲也

隸續

蒼頡廟碑

文字殘缺其略可辨者有云蒼頡天生德于大聖四
目靈光為百王作憲而其銘曰穆穆聖蒼知為蒼頡

碑也考其歲月蓋熹平六年立

金石錄

右侍無名人墓闕

漢右侍之墓五字藏碑者宣和間中分為兩黏裝作
帙漢官有左右署侍郎漢人題闕作碑多省文如郭
仲奇為北軍中侯而碑中省其北字高頤作北部府
丞而題闕省其北字馮緄之右郎中署字于文亦省
此侍字之下必有漫滅之文為貼碑者所翦其左有

光和三三年四小字

續隸

种氏石虎刻字

种氏石虎刻字光和七年四月五日巳丑孝子种覽

元博所造趙氏得漢代兩墓石獸膊上字宗資

天祿碑邪

是篆文州輔二獸所刻予訪之未獲

續隸

仲秋下旬碑

無名碑字畫清逸頗類故吏所立劉寬碑但石損字
缺所餘亡幾其云紀渚者歲在渚灘也仲秋下旬粵
曰辛者其所終之月日也又云辭病不降淹瘵累載
知其久苦沉疴也銘云爰茲衰微三命縮羸知其常
選貢也又云背爾嬪儷孤嗣禪笄知其有妻孥也

隸釋

頻陽令宋君殘碑

漢故頻陽令宋君表其篆額兩行獨不殘缺碑十行
 行有七字惟聖賢之冑丕闡休聲朝廷咨謀來歸靈
 宇數句成文趙氏所藏者亦是殘碑恐不至如斯之
 鮮也額之左有令丞簿尉五人題名乃本朝官制其
 右有文云後漢頻陽令宋君碑記其辭云宋君漢良
 宰也鄉人宜之餘亦缺矣隸續
 防東尉司馬李德碑

山陽府卒史防東守尉司馬君碑其名闕其字季德
 有終之月日而其年則磨滅此云山陽府卒史防東
 守尉者以郡曹而攝邑官其本秩自如故猶今之兼
 權也防東二字頗晦昧難辨故趙氏以山陽卒史名
 之隸續
 益州刺史薛君巴郡太守劉君碑

碑已斷裂不完惟存上一段而其額尚全題漢故益
 州刺史中山相薛君巴郡太守宗正卿成平侯相劉

君碑古無兩人共立一碑者惟見于此爾

金石錄

漢故益州刺史中山相薛君巴郡太守宗正卿成平侯劉君碑隸額頗雜篆體其碑彷彿二十行所餘其上一段他石斷裂不存矣第一行有益州刺史中山相薛八字第二行有巴郡太守宗正卿成八字第三行有惟二君三字餘皆不可句讀蓋前兩行各舉其官後行始是碑語與廣漢屬國辛李二君碑正同其間有祭死者及薛劉征討字殆是紀述平寇之事趙

氏誤以為墓刻故云古無兩人共立一碑者又以劉君為成平侯相詳其額初無相字此蓋王子侯也

隸續

處士嚴發殘碑

處士嚴發殘碑所存十有二行行凡十字其大略載桓譚陳章所言處士嚴發有曾閔之行栖遲衡門誠于朋友引春秋哀儀甫之事後有聽表門閭復之文復下字闕蓋邑官稱嚴之行遂表其門閭復其祖繇而碑之所由立也末有丞汝南番君及戶曹掾題名

當是其時官寮也其首行月日之下有彭城字乃其鄉國也此碑不見歲月疑其非漢刻雖字畫不工却不類魏晉以後書法

續隸

征南將軍劉君神道

有漢征南將軍劉君神道十字大小與王稚子闕相類而剛勁過之惟後兩字刻損兩漢雜號將軍掌征伐背叛事訖則罷不常置也唐杜祐云四征興于漢代四安起于魏初四鎮通于柔遠四平止于喪亂在

光武時岑彭嘗建征南之號矣牛僧孺玄恠錄載盧公漁為明州刺史時有盜發漢征南劉將軍墓者蓋在明之翁山縣其官氏偶同非此劉君也

續隸

舉吏張玄殘題名

舉吏汝南張玄殘題名其可見者故吏河內一人門生東郡三人門生濟南二人門生平原任城各一人薛令有其官而亡其姓名惟虞升一人郡邑名字及所出錢無一字闕者漢碑稱舉將者有二外黃令高

彪碑及三公山碑其自稱舉吏者獨于此碑見之續

貞女羅鳳墓闕

漢貞女羅鳳墓六字筆勢甚清逸頗類景謂者墓表

字之上以朱爵為額蓋墓闕也續

侍中楊文父神道

漢楊侍中文父之神道字體略與馮幽州闕相似必

西州所刻者續

蜀郡太守任君神道

漢蜀郡太守任君神道九字字畫壯偉然不著名字

鄉里歲月莫詳其為何人也金石錄

雍丘令殘畫碑

雍丘令殘畫像其標題皆已磨滅獨存泰山為雍丘

令一榜六字所謂泰山者疑是稱其所終之官其書

法亦猶朱浮碑去府君作令時之比此畫形制有似

朱君者但作一旁行則與之不類又人馬之形貌亦

不類駕車各以一馬凡軍之上有益乘車者之後有

一人馬其御也惟第七車無蓋而御者執斧其次則導者二人各執其物有如箭者次二人乘馬次導者又二人然後至所謂雍邱令之車次二人乘馬從之復有一車惟見其馬與車之半輪餘則缺矣此刻及朱浮畫乃是寫其平生車騎之容納之幽窅者亦塗車芻靈之意後世神祠佛刹中圖畫于廊廡間有此類者

隸續

成王周公畫像

成王周公畫像有標題者六皆偏而不正惟成王周公二榜不漫滅其間張幕設案有總角垂裒而中立者成王也冕而跪于東者曰周公則西者當是召公漢碑有龍虎者隨其文而觀之則先龍而後虎蓋以碑之所向為左右也立于二公之後者六人其西三人則無標題皆有所執如弓矢之屬一馬在其後此碑所列諸臣翼如也與武梁朱浮畫法式皆異雍邱令及此圖皆洛陽朱敦孺希真所藏者末云齊魯間

漢公卿墓中物亦不詳其主名武帝嘗畫周公負成
王朝諸侯以賜霍光此畫之意良未諭也

續隸

孔子見老子畫像

孔子見老子畫像人物七車二馬三標榜四惟老子
後一榜漫滅孔子面右贊鴈老子面左曳曲竹杖中
間復有一雁一人俛首在雁下一物柱地若扇之狀
石有裂文不能詳辨侍孔子者一人其後雙馬駕車
車上一人馬首外向老子之後一馬駕車車上亦一

人車後一人回首向外史記魯昭公予孔子一乘車兩
馬一豎子同南宮敬叔適周問禮于老子此畫與聖

輿兩驂似是據此

續隸

陽都長徐君家闕

鍾君碑

二碑無年月其字畫皆東漢人書

金石錄

魏石刻

太保任公神道

魏太保任公神道七字 金石錄

蜀石刻

鄧芝闕

蜀戶部尚書鄧芝闕銘九字又有小字題識漫滅不可讀莫知其為何代所立資古所錄魏晉三國遺文獨無蜀刻姑以附卷中 資古紹志錄

西晉石刻

護羌校尉彭祈碑并陰

元康二年三月立碑云君諱祈字玄隴西襄武人也

又云有詔以軍州始分河右未清豺狼肆虐授君節

蓋除護羌校尉統攝涼土前後軍功應封七侯勞謙

退讓陰德不伐年未知命以太康十年三月癸酉薨

西晉石刻見于今者絕少又多殘缺此碑文字完好

可喜 金石錄

碑陰題名者凡三百十二人有故孝廉計掾計史良

吏廉吏計佐主簿領校錄事中部督郵西部督郵軍

議從事和戎從事記室督軍謀從事錄事史戶曹史
 賊曹史金曹史田曹史倉曹史鎧曹史兵曹史客曹
 史記室史節史車曹史水部都督中部都督功曹典
 事武猛從事舍人蜀渠都水行事中部勸農西部勸
 農東都水蜀渠平水門下賊曹門下議生錄事金曹
 掾兵曹掾作部史法曹史參戰騎督步督散督門下
 書佐弓馬從事監牧史戟史金曹典事武猛史門下
 通事門下小史凡一官多者十人少者不減數人其
 餘稱故吏無官號者百六十餘人當時州郡官屬其
 濫如此蓋自漢以來太守皆得自署置僚佐彭君為
 邊郡守故其所辟尤衆今盡錄其名號以見一時之

制馬

金石錄

鴻臚成公重墓刻

碑云永寧二年四月辛巳朔十五日乙未守鴻臚關

中侯成公重魏夫人之靈柩

金石錄

青山君神頌

永安元年九月錄金石

東晉石刻

夜郎太守母稚碑

隆安三年六月錄金石

偽趙石刻

橫山李君神碑

碑題建武六年歲在庚子三月己亥二十一日癸丑

立錄金石

後魏石刻

造三級浮圖碑

太和十二年七月錄金石

太尉于烈碑

景明四年四月錄金石

淮陽太守梁鑿碑

延昌四年十月錄金石

齊兗二州刺史傅公碑

孝明熙平元年十二月金石錄

兗州刺史羊使君碑

不著書撰人名氏君名缺不可見而有其字曰靈引
太山平陽人也為京兆王榆長史榆將反君不從見
殺詔贈兗州刺史謚曰威碑以熙平二年立集古錄目

瀛州刺史孫惠蔚墓誌

神龜元年五月立其名字鄉里年壽皆不載獨其末
載贈官制書云故安東將軍銀青光祿大夫棗強縣

開國男孫蔚知其名蔚又云歸葬于世邑武遂知其
為邑人也按後魏書儒林傳有孫惠蔚其所書事跡
與誌皆合傳云先單名蔚正始中侍講禁內夜論佛
經有愜帝旨詔使加惠號惠蔚法師焉金石錄
叱閭神寶修關城銘

銘題右將軍西中郎將叱閭神寶銘又云維天魏神
龜元年歲次戊午十一月壬午朔十日壬辰起工三
十萬修治關城并作館第敬造三級浮圖金石錄

贈司空元暉碑

正光三年四月
錄金石

望都令侯宗碑

正光三年六月
錄金石

楊麴仁造老子釋迦文佛記

正光三年
錄古

僧會碑

不著書撰人名氏僧會名集安定朝那人碑缺亡其

姓名仕後魏至衛大將軍贈侍中司空碑以正光四

年立
錄古

邑義一千人造像記

正光五年四月
錄金石

孟思文等造像碑

正光六年四月
錄金石

房曇淵等造像記

莊帝永安三年十月
錄金石

斛斯疋碑

不著書撰人名氏疋字貸敦河南洛陽人仕後魏至
驃騎大將軍贈侍中司徒謚武昭碑以永熙二年立

集古
錄目

御史臺雙塔頌

永熙二年

金石
錄

大鴻臚卿鄭肩伯碑

無立石年月

金石
錄

東魏石刻

造石碑像記

天平元年十月

金石
錄

造寺碑

隸書不著書撰人名氏寺後魏太武帝所立東魏天
平中中軍將軍元景康重修不知其為何寺也

集古
錄目

石像記

不著書撰人名氏石像邑人所共造廬江太守逢榮

等刻銘以興和二年立集古錄目

三塚寺碑

不著書撰人名氏後魏里人董興壽等造石佛像于

三塚寺以興和二年立此碑集古錄目

張卑墓誌

興和二年十月金石錄

張奢碑

不著書撰人名氏殘缺尤甚奢之字及鄉里皆亡其

可見者以興和三年葬爾其額曰魏故渤海太守張

君碑以此又知其官爵姓氏也集古錄目

魏蘭根碑

興和四年金石錄

造石觀音像記

武定元年平南將軍焦永安造集古錄目

瀛州刺史李公碑

武定三年二月金石錄

樂陵太守劉公碑

武定二年二月 錄金石

劉起貴造像碑

武定二年五月 錄金石

比丘曇妙等造像記并題名

武定三年 錄古

造石塔記

無書撰人名氏魯郡白源寺沙門志紹村人劉志義

等造石塔記東魏武定四年刻其後題名百餘人 錄古

目錄

安州刺史赫連栩碑

武定五年四月 錄金石

鎮東將軍劉乾碑

碑無立石年月 錄金石

西魏石刻

化政寺石窟銘

文帝大統七年十二月金石錄

造像記

大統十五年六月金石錄

北齊石刻

九級塔像銘

不著書撰人名氏北齊天保三年衆造九級塔像之碑也其間多稱後魏年號集古錄目

不見書撰人名氏蓋北齊時所作也碑文淺陋蓋鄙俚之人所為惟其字畫多異往往竒怪故錄之以備

廣覽集古錄

造像記

天保四年五月金石錄

郭道尊等造像記

天保四年八月金石錄

孫士淵造像記

天保五年九月金石錄

建陵山修靖館碑

天保六年十月錄金石

郁久閭業碑

天保七年五月錄金石

石當門等造像碑

天保七年十二月錄金石

李威碑

不著書撰人名氏威字鍾癸趙郡柏仁人此碑字畫

古怪不可悉辨其題額曰大齊府君李公之碑以天

保九年立錄古集目

造像碑

皇建元年錄金石

石像頌

皇建元年錄金石

閻亮造像記

比邱道常書齊武成河清元年九月錄金石

鳴球山禪房記

不著書撰人名氏前有比丘邑子題名其後有頌亦無書撰人名氏皆北齊人造經像立浮圖記也鳴球

山碑以河清元年立

集古錄目

抹疾經偈

河清二年二月

金石錄

華陽公主碑

河清二年八月

金石錄

權法師碑

河清二年十月

金石錄

三像頌

不著撰人名氏北齊東豫州參軍宋元進書河清二年邑主宋士端等造釋迦定光彌勒三佛石像作此頌其後有東豫州中兵外兵參軍宋歡雋等題名者

數十人

集古錄目

造石浮圖記

不著書撰人名氏建州長史馮文顯等造石浮圖以

河清二年刻此記題名者稱維那或稱佛主左右菩

薩東西堪主其稱號甚多凡百七十餘人集古錄目

河清二年歲在癸未河清北齊高湛年號也碑文鄙

俚而鑄刻訛謬時時字有完者筆畫清婉可喜故錄

之集古錄

邑義人造像記

天統二年七月金石錄

造雙塔碑

天統三年三月金石錄

造石經并記

天統四年六月金石錄

造石像記

無書撰人名氏南濟陰功曹高志遠等與邑人造石

像記天統四年刻其後題名百餘人集古錄目

趙志和造像碑

天統五年十二月金石錄

後魏曹公碑

隸書其文之亡者過半書撰之人與公之名字鄉里皆不可見公後魏人也李昌中官至散騎常侍其子顯于齊為侍中追贈公鴻臚卿趙州刺史謚曰宣以武平元年立此碑碑之所存如此而已集古錄目

龍華寺造浮圖碑

不著書撰人名氏據碑稱維那劉顯等于雙井村共

造龍華浮圖一區爵離一區碑以北齊武平元年立

釋氏謂寺為爵離今北朝石刻往往見之集古錄目

隴東王胡長仁碑

武平二年四月金石錄

觀音石像碑

武平二年八月金石錄

造像記

武平二年九月金石錄

長樂王尉景碑

武平三年七月

金石錄

白長命碑

武平四年立碑云公字長命而其名已殘缺難辨長

命白建之父也

金石錄

唐邕造佛文

北齊散騎常侍中書侍郎李德林撰通直常侍中書

舍人姚淑隸書驃騎大將軍錄尚書事唐邕造佛像

三萬三千軀以武平五年立此碑

集古錄目

大安樂寺碑

武平五年四月立其額題廣業王大安樂寺碑廣業

王者尉萇命之子破侯也碑云魏末離亂萇命嘗營

護此寺其後破侯與其弟興敬復加營葺故立此碑

金石錄

開明寺彌勒像碑

武平五年八月

金石錄

賈羅侯等造像碑

武平五年十月

金石錄

造像記

齊武平五年張賈等造像記有銘辭及題名不著書

撰人名氏

集古錄目

邱珍碑

武平六年二月

金石錄

宋悅和等造像碑

